

四庫全書

集部

欽定四庫全書

御製詩三集卷五十

古今體九十八首

乙酉八

渡江至金山

江浙載巡狩典成清蹕還觀民胥敬事問景敢偷閒  
煙意桃霞表晴光麥浪間南風送五兩片刻達金山

靜瀾堂

王嶼大江中蘭堂曠望通氣連巫峽白日湧海門紅何

必懷觀水恒斯遇息風四巡庥祉疊益勵慎淵衷

金山夕景

北雨度江疾似飛西風捲雲淨如掃江山佳會適於茲  
紅樹碧峰輝夕照博古撫蹟胥且置聊因無欲觀其妙  
妙高臺上小徘徊我與髯翁豈同調

渡江駐蹕高旻寺行宮作

蘭舸渡江津花宮及暮春毋奢仰

祖訓

恭讀

皇祖御製行宮詩碑有莫遣爭能縱慾奢之句序復引漢文惜露臺事以示維揚商民

垂訓深切  
允宜遵守云

有事此躬巡機鑑惟勤政情田祇厘民覲

揚瞠後矣

巍蕩共

高旻

題大觀堂

江浙省方迴三春蹕館開白綿飛苑柳青子綴庭梅旌

茂于焉憩琴書此重

去聲

陪循名玩辭象顯若益深哉

遊平山堂即景襟詠

去時春仲來春暮真是春光馬上看祇有風流賢太守  
千秋名在碧峰端

北瞻崑軸廣陵南園倚虹橋鏡影涵設使武夷徵故事  
便當九曲自茲探

綠柳陰濃曲岸頭緩移畫舸惠風柔琅玕館凝神盼  
誰道尋常竹有秋

侍衛銀牌賜老人渴恩便奪亦情真可知半日行春舫  
不為閒遊為省民

暖香明艷正含嘉  
幾架雲棚護惜加  
不讀廬陵歐氏序  
誰知天下有真花

麗日輕風喜朗晴  
麥田吐穗待秋成  
今朝功德山頭望  
始覺吾心暢快生

平阜池堂俯碧漣  
已看荷葉出田田  
傳花命酒圍嘉客  
即歐陽修在揚州事高致當年在眼前

坐惟片刻未斜暉  
問景聽稱馳驛飛  
尹繼善每稱遊山似馳驛然過而不

留寶子短句八章聊紀事  
足酬佳興可言歸  
本意耳

維揚旋蹕作

南巡往返路胥經古郡因教兩日停三月煙花雖入畫  
邗溝春水合揚舫民情到處皆親愛我意無時忘撫寧  
竄喜雲消輝旭影宜暘夾岸麥愁青

題夏圭山水

落落喬松遠遶山人家多住綠筠間展圖恰在維揚道  
真境真情共往還

山意雄渾水態潛淋漓元氣却安排稼軒已自歸烏有

弃者誰知耕石齋

見卷前錢  
謙益識語

### 過金灣六閘書事

西灣接東灣落低向所命

上次南巡親臨金灣相度以東灣滾壩前已落低命將西

灣亦落四尺俾湖河入江之路益暢而其鍵要尤在視高堰水誌展拓清口為釜底抽薪之計五壩始無溢漏下河田廬頗資利賴常瀉運水餘入江斯捷徑挈要實清口尺寸

為

去聲

親定五壩無漏卮下河屢豐慶憑舟觀局勢幸矣

籌偶應更張亦奚必多言徒啓競顧語司河臣守之仍

在敬



襟言

大船動移艱小船轉旋利以之受重載始知遠不逮大  
船進每遲小船行常疾順風揚廣帆落後乃如失香象  
不似狡兔便其勝負馱若祁連蟻子爬沙終日走弗及  
封駘一步遷君子小人別乎此不取目前可言理

洪澤湖四依

皇祖詩韻

南巡四度事非虛洪堰籌安淮及徐頌致萬民益增愧

詎予信實及豚魚

閱接築高堰隄工詩以紀事

一律輒工運口連崇墉憑閱實牢堅歲功即在迴巡後

高堰石隄為洪湖防障而武家墩迤北以工緩未脩癸酉秋漲危而復安因命築以輒工千餘丈俾資捍禦壬午親莅指示復命自輒工止處一律接築屬於運口該督於迴鑒後鳩工修築茲臨閱視則堅甃屹然延亘益覺緩急可恃前所籌定準五壩水誌暢開清口又幸遇年未遇霖潦湖水未致侵溢然伏秋拍隄之水究在隨時宣洩得宜斯則河臣所應加防患要於未事前平日之意而不能一刻釋諸懷者也

原常見渚出汎時云每到隄邊雖然清口籌疏淪南望

夏秋心總懸

四依

皇祖閱河隄詩韻

巡方兩閱月渡瀆逮還宮吏治課惟悉河防厓莫窮洪  
隄千載固運口萬艘通

祖

考垂經制真同

天地功

渡黃河述事

無風更戢浪鼓柁不移時屢奉

大安渡均邀

明貺垂

豫遊良已愜

尊養合從茲

敬念  
敢復奉以逵巡江浙矣

南望渺煙樹民

情繫我思

桃源耕者

辛未過桃源高斌奏曾記云此地耕者猶能存古制鳴  
鑼合羣力相與勤種概不獨其言然隄旁呈覽試此實  
任邨風因之紀五字丁丑及壬午兩度經斯地未逢向  
所見茲用諮大吏問之大學士尹繼善始云不知  
後復博詢屬吏皆稱無其事則稱  
行實難而且無其事斌豈欺予者蓋受人欺蔽觀過可  
知仁重吟誌詳細

安瀾

龍王廟再疊舊作韻

德水方遵陸

上次南巡迴蹕由順河集登陸今則乘舟直至德州便於沿途閱視運河情形

圖

因閱運河蘭舟溯洄溜桂棹艤清渦放於兼觀績

是日駐

御舟登岸詣廟瞻禮兼閱夏家馬路放於工程

升香謝薦歌千秋垂

聖額

廟懸考御書額

皇

三度此欽過予意望非別

神庥冀曰何安瀾佑黎庶洪瀆永寧波

復聞京師得雨

三月十八日

北方春雨霑惟是去年好今年如去年此慶逢稀渺南方自澤國憂過旱不憂少即今數日晴始幸麥可保仍

繾江以南馳問資叅考

江南春雨稍多昨浙江撫臣奏至亦稱三月初一以後節次得

雨恐太過或於麥蠶桑有碍因傳旨詢問浙撫熊學鵬蘇藩蘇爾德令將過日晴雨情形及春收分數若何

即行馳奏以慰屋念

到處屋農功稼穡斯惟實行將歷齊燕良苗

閱沿道然詎敢心紓西成尚猶早

### 過伊河入運口

圖欲瀉微湖尾閘大疏治韓莊閘迤南伊河就下利其

餘彭潘口均自荆橋出前年率剔鬚魚臺金鄉多涸地

即今過伊河入運實暢遂然上源來少濟寧臨清水虞

匱顧漕慮棄農農顧防漕棄籌政所以難兩全益艱致

舟行入山東境

去時遵陸返乘舟一水殊分徐魯郵是日晴光明翠柳

前旬雨澤渥來年北河漕務心勤度入聲西郡民風目始

謀運河一帶為山東西境濟運籌農胥要計戒吏張亦厪詳求

韓莊閘

韓莊實洩微湖水籌涸金鄉臺魚臺閘建新魚臺金鄉諸縣之水皆匯

微山湖夏秋坡水漲溢魚臺一帶每多積潦之患既疏伊家河以驅其流並於韓莊西岸建滾水石壩以殺其



勢甲申春撫臣崔應階請浚湖下游因命故協辦大學士公兆惠前往會勘以湖口舊閘宣洩未暢議於舊閘北添建新閘使湖水暢流入運閘成而數縣頻湖沮洳悉皆涸出民得賴以乘時耕種

濟運利

農期兩益每因觸境憶賢臣

### 過荊山橋

橋長三里計納水原自寬侵尋沙淤之微湖去路艱因之事疏別本圖洩漲瀾沙弗遠運去積隄齊橋欄占河十之六功同不疏然大吏前致辭已足受漲川徒觀隄以外齊橋芄麥田橋建苟非虛河疏功乃捐二者必居

一吾心實未安於凡待目擊吁嗟此實難

渡黃河至徐州

彭城深屋念有事閱河防枉駕陸遵坦進舟日未央

天光澄映碧川氣鬱蜚黃浪靜邀

神佑滋因敬不遑

閱徐州河隄有作

南固石隄北土隄

徐州當大河之衝向年屢經水患丁丑南巡親臨閱視命於河南岸添贊

石隄俾緩急益足恃而北岸土隄則戊寅夏遣大學士劉統勲來徐相度議築以禦湯流而東河勢使攻沙者

也兩隄既成城郭民田皆資利賴連年頻獲  
豐稔閭閻景象恬熙巡蹕經覽深為慰悅  
利農護郭

脩俱齊今來不藉多籌畫祇覺民生益暢兮

題黃樓三疊蘇軾韻

疊險寧非滕口說每遇蘇詩興軒發黃樓三登可默去  
却慮格卑緣手滑遐想當年事脩築豈有閒情辦布韞

東坡詩已辦布韞青行纏隔時水退遇重陽把琰對花恣豪呬憶我

丁丑始莅此急葺石隄舉籠鋪是時灾餘百室空鵠面

鳩形可憐殺壬午重來則改觀雲龍酬惠起神刹

徐城河隄

自丁丑親臨相度各工脩舉數年來閭閻生計滋  
阜因就雲龍之岡勅建 惠佑龍王廟用申報貺 田有

農夫荷鋤耕屋有織婦鳴機軋卽茲元氣實大復倉庾  
陳陳相因壓為民愁亦為民慶城樓埤垸俯鑿鑿綈几  
清閒命墨娥錦屏馥郁噴金鴨旋教清蹕轉行宮老幼  
歡隨走報雲

惠佑龍王廟疊舊作韻

盛德贊

天緯鴻功著地宗一方賴呵護三拜肅儀容民氣誠云

復

神歆益致恭著乾得九五雲起定從龍

遊雲龍山

蜿蜒如龍從以雲剛過細雨滌埃氛高蹤邴慕張隱士  
佳政猶思蘇使君樹裏有禽皆雅韻巖間無卉不清芬  
間閭元氣洵稱復羣擁鑒輿共爾欣

試衣亭三疊蘇軾韻

寧同歸去賦吹衣赴選忽忽趨夕暉身共山人

謂張天驥

斯

則託心隨旅客

謂張斯厚

彼馬飛

戲題放鶴亭

雲龍瀛嶼帟邱巔都有亭因放鶴傳我亦山莊聊仿作  
祇虞貽笑彼胎仙

彭城三詠用賀鑄韻

戲馬臺

漢王關智斷項王願挑戰撻嬈決雌雄驅騅疾雷電樓  
煩瞋叱辟易開海春軍敗引兵來鴻溝分割歸都邑無

事掠馬臨崇臺共逐秦鹿誰得者始禍皆由鹿作馬角  
谷不封一泥九咸陽三月火燄盤其興何暴亡亦疾半  
夜氣盡方識難雲螭月駟雖調閑都入漢廐掌漢官獨  
不見千秋名尚留楚牧乃復有劉宗賓筵泛杯綠

斬蛇澤

君不見九原除道抵雲陽力役無已秦以亡龍顏隆準  
天子氣坐壓金德銷沆碣送徒道遁何足懼索與解縱  
恣去路吾亦逝矣壯士從夜徑平聲豐西郡避顧行前者

報大蛇來一揮七尺嫗  
哭哀赤帝子斬白帝子  
此語疑信猶半哉  
龍門好奇乃有許  
豈識天下歸真主  
寬明仁恕所以興  
項籍嘔嘔徒嚇鼠  
至今大澤猶傳訛  
獨惜千餘年來非  
漢土

歌風臺

歌風千載稱高臺  
當年提劍起草萊  
天下大定還過沛  
置酒樂擬登雲來  
何事涕洒英雄血  
遊子故鄉悲往轍  
百二十人習和歌  
止張去聲三日從茲別  
復沛不已復豐



鄉雍齒之恨獨未忘卓爾想見興王概詎止霄漢雲飛

揚知人善任何與良叔孫制禮明有方方回何獨為

去聲

信慨以慷烏號之挽寧因鷲鳥藏

信之反跡已明不得謂高祖寡恩故反賀

詩意並見近作反錢謙益淮陰侯廟詩

### 渡黃河有述

侵曉庭柯風勢颭登舟頓爾靜陽侯屢蒙

天貺昭

神貺自問何脩益勵脩波浪不生活水性隄防惟固盡

人謀南巡狩禮於焉歲獨有民情戀尚留

金鄉魚臺民以涸田得種謝恩詩以紀事

微湖昔倒漾數縣被災連金魚為尤重有釜常嗟懸雖

常豁糧賦豈似慶逢年昨從撫臣請為之疏荆山

金鄉魚臺

皆瀕微山湖向苦湖水泛溢窪田悉沒於水既穿伊家河增置韓莊壩牘以殺其勢甲申春復允撫臣崔應階

請濬下游之荆山橋以資宣洩數縣積潦田畝次第涸出民得藉以耕種先是隄徐北黃流

免泛川

黃河至徐州而窄河員每持束急易漲之說聽漫水洩歸荆山橋以故河多淤梗微湖趨下之

勢不暢戊寅夏始於徐城北岸築土隄黃流乃不旁溢湖水得疏消無阻諸水得就下漸見

有涸田迴舟溯運河萬姓兩岸邊言謝汝固耳言慚吾  
猶然奚如豫籌畫免此遭屯遭况慮去路多來源已覺  
艱漕渠亦要務何非政所關微湖雖患其漲溢然漕艘  
北上亦藉灌輸之利蓋洩  
多固有益民田而緒少又恐妨運道事  
誠有難於兼善者既慰之餘彌復屢念  
展轉屢民瘼事  
蓋鮮兩全

四月朔日作

舟動水流裏春徂夏又来何曾因閨駐且復喜雲開霑  
澤攏芄麥涸田野不萊底須賞花柳斯實悅心哉

過濟寧州

州城雄枕運河濱，珠勒徐驅覲萬民。總以平居恒厯念，

那因初識始相親。

南巡迴鑒向從陸路，茲始御舟，初過州城，萬民尤覺歡迎。

豁糧爾

縱謝誠切

前以頻遭潦沴，凡低田受水者，皆與豁糧。老幼聚集叩謝。

登席吾猶愧是

真李杜詩情高萬丈

州城內太白樓為賀李豪飲蹟，城外南池即杜甫興許主簿遊處，有

少陵祠

摘詞即境却逡巡

登太白樓

名堯高閣俯城闔，名字猶傳太白真。善釀者汪信知已

舉觴惟賀是佳賓良辰漫惜方春餞勝蹟初探返蹕巡  
禹戒常遵惡旨酒醉歌無事取斯人

題南池少陵祠

任城南郭有南池古蹟猶傳老杜祠喬樹那知春已去

閒庭不覺步前移何期此日仍瞻斗

唐書稱昌黎文泰山北斗吾於子美

之詩亦云

可惜先生未遇時却異東坡頻疊韻

南巡疊蘇東坡韻獨多

斯人前豈易言詩

再詠南池四首

到處

平成仰

禹功崇碑五字屋河工

康熙乙丑年建碑亭恭  
勒皇祖閱河隄詩

益殷此

日覲揚志敢曰

當年巡狩同

淶波一片澹南池樸室三間潔葺之筆研精良待摘藻

却吾今日畏言詩

詩仙詩聖漫區分總屬箇中迴出羣李杜劣優何以見

一懷適已一懷君

千秋遺蹟以誰芬咫尺城南靜不紛  
何事尋常許主簿却教名字附青雲

題分水

龍王廟

清汶滔滔來大東自然水脊脈潛洪橫川僻注勢非迂  
濟運分流惠莫窮人力本因

天地力河功誠擅古今功

人皆知分水為白衣老人之  
力而不知實天地自然結局

勢於此衆不能識老人特能識之耳非但此也上古由  
聖人教耒耜作舟楫何一非因天地自然之功用哉  
由  
來大巧原無巧穿鑿寧知

禹德崇

北來

北來日日驗農耕  
夾岸農民喜氣迎  
薊麥秀齊惟待實  
黍禾種遍已抽萌  
早知春澤高低被  
近覺炎風塵土生  
畏雨情纔忘  
幾日旋去聲為望雨又何情

榮馬過東昌府



南邦逢郡邑按轡便民瞻

南巡渡黃後即循川途御舟  
惟遇郡縣城郭必遵陸榮騎

經行既覽閭閻景象兼便民  
瞻就茲過東昌仍傲行之

運路茲經歷乘舟肯已恢

榮驄惟一例隨銓更多添親愛不謀合熙和著處覘平

原攬城市光嶽俯樓檐

光嶽樓居城之中重檐高聳可  
以延眺為蹕路所必經因一登

覽則闌闌恬熙郊  
原豐沃燦然在目

共治二千石益思慎選廉

### 登光嶽樓卽事

層欄傑構入雲區聳峙城中鎮四隅高下耕桑俯沃野  
北南水陸接通衢虹光奕奕扶梁煥泰嶽巖巖巖牖鋪

長記短詩粗讀遍子安牛斗句曾無

光望為同為異區又稱東北據城隅

一統志載望嶽樓在聊城縣東北高

矗雲表今名光嶽及聞東昌府志則光嶽樓在府城中而城東北隅又別有所為望嶽樓者茲以巡蹕經行始知其舛百聞不如一見紀

載之不足信大率類此

從來多舛惟冊府且自清遊

歷箭衢

魯仲連蹟亦在此城

喜是閭閻頗繁庶嫌他屏扆太陳鋪

牧臣咨爾盡心者察吏安民似此無

### 臨清舟次襍詠

南來一水貫城闌北去三朝川路循

水路三程便至德州由陸路旋蹕

歷遍山東五十閘節宣深計緬前人

板閘洪波瀉呂梁云緣蓄水灌溪塘

臨清設甄板二閘以節宣南來之水

舟行遞進上閘啓則下閘閉俗稱灌塘因其地勢建瓴蓄久而啓流頗湍急舟非牽挽不能過也

因思

天下本無事子美詩中道已詳

衛水西來挾濁漳滙川北注色微黃更無關鍵資宣蓄

過臨清則無閘直達德州順注乘流直進航

幾度溯洄復溯游通漕實藉古人謀善經理自足輸挽

冒險何須海運籌

雨

四月初十日

西風一夜無雨望侵曉誰知送雨來不似江南慮過矣  
恰當夏首曰時哉滿船畫意全含潤兩岬詩情喜不埃  
過午欲晴露二寸雅予蜀望又徘徊

曉涼

前朝劇嫌熱過雨頓生涼無定如斯幻有恒原是常汀  
蒲梳霧氣隄麥浴曦光破冷屢屨坐從民渴望償

船首露坐

夾岸老幼趨隨歡呼瞻仰每入舫室  
民若失望憐其誠冒涼有所弗避也

御舟至德州仍命親藩恭奉

皇太后由川路迴鑾是日登陸即事有述

登陸遙臻勅政機由川

願養奉

慈闈南巡典禮斯全備旬日

晨昏此暫違去轡未瞻柳稊茁迴鞭倏拂麥芒菲前朝  
作雨微嫌少大需希資實粟肥

方觀承進棉花圖十六事各題其上

佈種

本從外域入中原

聖賦金聲實探源

皇祖有御製木棉賦脩詳吉貝  
所自始及種植流傳民資溫煥實闡

古今之秘茲方觀承所進圖冊  
即恭錄聖賦冠於冊首

雨足清明方佈種功資

耕織煥黎元

灌溉

土厚由來產物良却艱致水異南方輓轡汲井分畦溉

嗟我農民總是忙

耘畦

芟密耘長遍野皋夏畦增此那辭勞白家少傳暝寒中  
聲去但識加棉厚絮袍

摘尖

尖去條抽始暢然趨晴避雨摘炎天愛之能勿勞乎爾  
萬事由來一理詮

採棉

實亦稱花花實同携筐婦子共趨功非虛觀却資真用

植物依稀庶子風

棟曬

納稼惟時棉亦成等差黃白辨粗精紛羅真有如雲慶  
吉語猶占冬朔晴

收販

艱食惟斯佐化居列酈負販各紛如價常有定斤無定  
棉有定價而斤兩輕重則隨時贏縮斤以二十兩為準  
豐收價平斤可得廿四兩價昂則減輕負販分售斤仍  
以十六兩計  
巨屨言同記子輿



軋核

轉轂持鈎左右旋左惟落核右惟棉始由粗末精斯得  
耜杵同農豈不然

彈花

木弓曲引蠟弦弰開結揚茸白氎成村舍比鄰聞相杵  
絳絳唱荅合斯聲

拘節

擦條拘節異方言總是斯民衣食源幾許工夫成麗密

紡紗絡緒事猶煩

紡綫

相將抽緒轉軋車工與縑絲一例加聞道吳淞別生巧  
運輪却解引三紗

挽經

引羅卸絡理棉絲枝拄經林較便其蹕路迎鑒多婦女  
木杼每見手中持

布漿

經緯相資南北方

南北皆產棉而估舶每南北往來互販或云北棉宜作經南棉宜作緯有

相資成用者蓋風土剛柔不同故棉性亦異云

藉知物性亦如強刷紗束絡俾

成緒骨力停勻在布漿

上機

豈止千絲與萬絲女郎徐自引伸之可知事在挈端要諸緒從心無不宜

織布

橫緯縱經織帛同夜深軋軋那停工一般機杼無花樣

大輅椎輪自古風

練漆

五色無論精與粗茅簷卒歲此般需布棉題句厪民瘼  
敬纘

神堯耕織圖

南巡迴鑾駐蹕御園之作

往還水陸六千里春夏推遷百廿朝望埭早無爭色卉  
聽林已有試聲蜩對時展轉希膏雨勅政傳宣覲庶僚

鳳舸仍遲到三日潞川欽溯一心遙

賦得鳩喚雨

得和字  
八韻

物性知時氣禽言善揣摩陰晴候弗外感召理無訛乍  
聽邕邕叫旋看靄靄按寧同聞弱管喜是織空羅耕已  
買銳插耘欣荷笠蓑誠然披霞霞豈漫喚哥哥望矣夏  
云首鳴哉今若何勤農卜雨霈恭已奉

天和

恭迎

皇太后駕至暢春園即事得句

翟舫昨當駐潞河不眠數問夜如何  
策驄心切誠懼迂扶輦躬承

顧語和萱為去聲映階翠展葉榴如報  
節絳舒柯浹旬依戀一朝慰繞

膝由來樂事多

雨

四月廿六日

憶自山東望雨歸逾旬此念日依依  
五更纔報濃雲布

達午欣看密霽飛詎止禾苗如助長仍資麥穗得增肥  
晴堪莫漫生餘戀已是

天恩賜所希

山東巡撫崔應階奏報得雨

齊郊迤北亦待澤經歷為聲殷望雨霑幸值一犁應時

霑

京畿正值望澤於四月廿六日得雨五寸

喜聞同日遍膏漸

亦廿六日濟南一帶被澤

所奏分數較近京尤為優渥

九州總是心藏曲兩處頻教眉釋尖却

惜西南欠優渥

方觀承奏報東安一帶得雨三寸其迤南河間等處曾否被澤未經奏及諭令

速行  
查奏 瞻雲幾度更巡檐

西直門外作

北至將脩

祀典崇致齋法駕轉彤宮郊原含潤夜過雨衣袂生涼

曉拂風

禾黍芄苗麥欲登更聞米價未曾增

每當青黃不接時  
米價必增去歲秋

收倍豐至今米價  
未長為之欣慰

馮輿切切無他願祇願如斯

綏屢仍



養心殿齋居

旭影遲前階風炎避廣殿遵例座弗遷

冬至祈穀  
雪祭例御齋宮

餘祀皆即養  
心殿而齋

祛辛食則變無逸勅幾政有額覲俊彥卓

午亦餘暇披涼不知倦歌紫展芸編疏屏辭綵扇夕春  
雲氣濃因之復生羨

夜雨

五月初  
二日

十雨春斯佳五雨夏正好

前月廿六日得  
雨至今甫五日

夕入方雲雲

夜深忽浩浩琉璃易為溜擬砌聲不了無眠亦何妨繼

澤慰懷抱時若祝斯後庶冀登萬寶

夏至

北郊禮成述事

時雨復時暘

北郊禮準常

向年或遇望雨詣  
屢得有雨澤故一切

壇每徹內簿近  
禮儀按例舉行

樂

宣數成偶

樂凡八成  
合偶數也

器薦色惟黃

亦協  
土德

徐陟曦光朗

昧  
爽

執事日出  
禮始成

濃零露氣灑卅年承

厚貺益勵敬無遑

端陽日侍

皇太后觀龍舟

黍禾遍野麥登盤芳節龍舟例奉

觀暎浦早荷初放朶

常年端陽率未開花有則湯泉所  
進今歲以過閏故湖荷已有開者

亞檣新筍已成竿雖云競渡原無競信矣承

歡果是歡歲歲

高年侍

康健正長日影耐人看

討源書屋對雨

五月初六日

昨日天中奉

賞憑侵晨仙苑問

居興甘霖既渥還優霈農諺無妨更絕勝

農占有午日雨生蟲之諺

聽處溜聲原不改

去歲夏日亦有書屋對雨之作

望來漲影已徐增政

勤材選弗遑逸別為衣濡例賜仍

是日引見官有衣被雨濕者依例行賞

仲夏玉泉山

雨霽蘭街絕點埃玉泉今歲此初來春光已付不知過

幾暇仍教無逸陪咨政罷纔聊泛舫觀農要為一登臺  
明亭暗竇江南似清戀何須首重迴

去聲

華滋館

書館碧溪潄隔年此憩臨春華同逝水夏木已連林過  
雨物含潤依山境與深窓中見穹塔雲影幻晴陰

題翠雲堂古栝

古栝由來古丈夫低心豈肯逐時趨春華秋實休衡校

二老風流得似無

杜甫寄贊上人詩與子  
成二老來往亦風流

棲霞室

倚巖構書室雲霞常寫楹寫則亦必棲是吾所以名寧  
因望繖山數曲僧紹明夏雨既應時靈山吐英英我甫  
旋巡蹕棄暇茲延清南顧偶思義曰仍在民情

清音齋

聖藻煥懸針

靜明園建自康熙年間清音齋

皇祖御額也

屏山翠鬱岑花

姿雨後喜林影夏來深拂牖延寒籟繞階調暗琴松泉  
相問答不改是清音

竹鑪山房烹茶戲題

中冷第一無竹鑪，惠山有鑪泉第二。  
玉泉天下第一泉，山房喜有竹鑪置。  
瓶壘汲取更近便，茗椀清風可弗試。  
四壁圖書閱古人，大都規寫烹茶事。  
忽然失笑境地殊，我於其間豈容廁。

泛舟由玉河至石舫

玉泉遊目駕言旋，遂放玉河順水船。  
萬壽山光翠迎面，便途得為去聲小留連。

耕織圖前盪槩過耕犁織杼候無訛水村也足農桑趣  
那向吳中較若何

畫舫行來石舫邊便因登岸小蠻緣迴頭却顧纜維處  
孰是能遷孰不遷





御製詩三集卷五十

欽定四庫全書

集部

御製詩三集卷五十一

詳校官侍郎

臣謝墉

助教

臣常循覆勘

總校官原任中允臣王燕緒

校對官學正

臣卜維吉

謄錄監生

臣汪存楨

欽定四庫全書

御製詩三集卷五十一

古今體一百三十六首

西九

仲夏萬壽山

夏仲來遊雨後山  
峯容疑訝蹕巡還  
愛茲與我周旋久  
豈必權其伯仲間  
鶯罷綿蠻辭樹去  
魚過平聲撥刺卧波  
頑春光漫惜瞞人過  
去聲流水行雲好是閒

懷新書屋

鱗塍近遠映書堂  
習習清風拂綠秧  
几披芸聊棄暇  
佳篇恰是讀柴桑

睇佳榭

亦知假山弗最高  
諸弗高中此高最  
敞軒恰復構其巔  
面面湖山都映帶  
四時遊目無不佳  
詎以情將以神會  
今朝即景更於何  
高下良苗生意沛

清可軒

山陰趣更佳  
空洞鬱隆起巖腰  
非迴高而有凌雲理  
一

舉足之勞不遊則矯矣覆壁入夏屋心目俱如水此清  
真是清鄭崇糟粕耳

夜雨

五月十三日

夜雨勢將綿溜聲聽枕邊繼霑真是好大霈更逾前遍  
野欣流澤漫空想暮烟迤南均被否

河間天津尚未  
優渥為之望澤

度不成眠

曉晴西直門外作

雲勢依山欲放晴瞳矐曉日更晶明視朝典已半年闊

趁爽因之入鳳城

麥穫已堆塲圃邊  
桑禾高下綠  
芄田邇來晴雨誠時若  
念遠秋成倍惕然

淑清院

金輿西轉御朝迴  
別院淑清向曉開  
松柏鬱森龍仲夏  
壺洲隱映望南臺  
乍看泉雪心無暑  
靜對階茵意與培  
脫却山龍換時服  
箇中始覺稱遊陪

千尺雪

石激崢嶸響瀑泉  
六花錯落望中懸  
雅宜暑月憑欄對  
祇訝翻無暑可捐

本因數典自寒山  
伴與春遊想像間  
一例清泠澗石韻  
却無來去祇饒閒

春耦齋

液池西岍轉取便  
出皇城春耦適當道  
晨餐乃啟行  
弄田稻香蔚學圃  
菜芳迎晴雨  
爾來協因之慶慰生

自高梁橋進舟由長河至昆明湖

長河雨後波增漲，趁爽平明好進船。  
柳岬忽聞嫩箏響，始知復育化成蟬。

依水園存樂善名，蘭隄幾轉面前迎。  
徑過平聲自是慵遊

覽不為忙乘

平聲風利行

廣源閘限水高下，登岬因之又換舟。  
悟得盈科成利濟，前人經理足佳謀。

沿隄垂柳復高榆，濃綠陰中牽纜紆。  
纔過繡漪橋側畔，波光迎面頓清殊。



鳳凰墩

高嶼水中央樓頭金鳳凰徒因相去

去聲

風色

金鳳張翼隨風而轉可知

風向宮殿中多用之

詎是詡佳祥望攬四隣畫到停雙棹航訝臨

赤霞表徐悟俯荷塘

暢觀堂

左俯昆明右玉泉背屏鏡治

閣名

面溪田四圍應接真無

暇一晌登臨屬有緣騁目不遮斯暢矣棲心惟靜總宜  
焉設於風地觀義象未曰怡然先悚然

水村居

茅屋竹籬象水村水村幽事畧堪論棹舟見則耕還織  
繞舍孳惟雞與豚夏仲林陰深石逕雨過平聲漲影到柴  
門不殊向者江南景愛戴民情意默存

夜雨朝晴

夜雨每朝晴宜耘復利耕日暄禾助長土潤黍含英麥

困上聲已納定萊畦爭向榮能無蕞綏屢

去歲秋稔異常此後晴雨時若

復可冀有收

不敢便怡情

恭奉

皇太后觀荷即事成詠

蠲吉迓

慈輿御園賞瑞葉夏霖忽入夜朝霽實欣予淨影搖明  
鑑香颺拂朗疏年年延喜詠歷歷勒屏書

題蹈和堂

座有古芸披甄陶左右宜履貞兼納順率禮復敦詩省  
歲調元氣祈年協四時與民同保合念釋總於茲

解慍書屋作歌

我思虞廷去堯之世未曰遙不識不知其民淳樸之  
風猶應饒云何舜帝揮五絃爾日乃有南風謠慍者  
不平之氣或致怨而胡有於重華之際欲借薰風消  
是知昊代不如羲年非虛語大禹下車泣罪心誠焦  
何況三千載遞降於斯時也豈可與古相較風俗之  
淳澆吁哉民器實可畏慍豈易解哉吾惟對此慍盱  
宵

耕雲堂

幾架書堂俯水田  
雨暘幸協稻芊芊  
三庚屈指西成遠  
未敢先時慶有年

適性居

聞諸我宣尼  
性近習相遠  
如水必有源  
如木必有本  
率則謂之道  
適斯謂之善  
詎曰娛耳目  
亦豈恣遊行  
觸境心有會  
克已禮期返

竹密山齋

拔節新篁葉已齊  
泠聲風敲

去聲

綠玻璃造齋人到階方

覺訝似雲栖精舍西

茂悅書屋

萬物悅南訛書堂茂對和雨霑晴亦好畫永暇因多為  
想黍禾勃即看花木羅薰風拂細帙樂趣此無過

題鏤玉百子屏

百子形神各殊別琢磨了識不同時居然薈萃亭臺景  
都是崢嶸瑚璉姿品重蘭階將筍牓行

去聲

稱棗讓與梨

推作人致意興周雅樂育因之繫我思

偶倣文徵明山村嘉蔭圖即用題徵明畫韻

四友良宵會一堂言唐虞上薄周商三庚底似清秋景

戶外喬松入籟長

末二句槩括  
徵明詞意

熱

夏德信於暑炎熱詎可無土溽氣益蒸曦烈威特殊廣  
厦深耽耽猶覺煬切膚嗟彼夏畦人曝背耘正劬思艱  
刻厘彼協序時凜吾無遑披遺篇高談學陳謨

對雨

六月初五日

邇日雨暘實稱

去聲

懷思量大需益為佳南雲忽佈飛豐

注簷溜傾珠濺到階

卓午炎蒸不可當翻盆片刻颯生涼  
虛軒乍欲添衣坐  
因識人情曷有常

日暍雨潤恰胥宜稻下黍高一例滋  
顒祝綏豐如去歲  
越因可冀越虔思

移竹



暑節雨既霑苑監例移竹芟黃汰已枯植綠補不足庭  
前趣益遠山坳致猶曲月上欲籠蟾風度金戛玉而我  
偶延步興念別有屬遠若湘之浦近若淇之澳夫誰與  
補栽亦自連林蠹

雨中舟泛二首

適日直稱若雨暘延涼竭爾泛烟航寧非慣見江南景  
祇以宜時覺勝常

恰似珠簾下水軒斜飛豎洒正紛緜首羅漫擬難為數

聲上  
滴滴零零自有源

快晴

達晨猶密雲情知霖雨矣時行故不妨究以晴為美  
馬中漸開豁卓午雲盡徙須臾遂朗清蔚藍天似水  
瀚暑颯涼生拂鬱霽光委屬念在農功吾安得無喜

煙月清真樓

借詢煙與月幾萬閱春秋開闢以來有清真孰許儔  
滿光如婉約蒼靄解相酬設欲結三友誰當占一籌

題擷景室

四時風月各殊觀一室吟憑興未闌十笏漫嫌得無幾  
較於方寸特為寬

池上居作

半畝方塘上五間敞榭涼一時聊復爾消夏以為常生  
意觀花木怡情在縹緗去年如昨日過雨喜宜暘

引涼小樓

出樹還延爽賴長坐來訝覺颿衣裳麗譙井幹雖華矣

小許偏能解引涼

挹香室

書室冷然近水邊  
益清花氣拂文筵  
一篇展讀當<sub>去聲</sub>消暑  
正是濂溪說愛蓮

日影

忽見階軒面依然  
日影鋪分明看代謝  
真不假須臾喻  
隙誠如彼翻書猶故吾  
聊應欣快霽所利在農夫

詠漢玉玦

土華浸骨為精神如環有缺義可遵  
琢痕則無隱璘璘君子能決佩諸紳  
無故不去禮所陳重瞳何有婦人仁  
咄哉亞父徒手循

泛月襟詠

又泛平安月鏡居

舟名泛月  
所恒御

冰輪高燭皎含虛  
蠶箋象

管相陪處昨歲景光昨夕如

木蘭沙浦好乘涼  
翫影相將送夕陽  
却是微風工湊拍  
閃輕金穀捲銀塘

望前雅合早登舟一捻鉤痕見舉頭日漸移東漸升晚  
再生西已是金秋

影蘸樓臺香度荷小遊不問夜如何

每泛月不過戌末而罷從未入夜

御湖清概還如昔祇覺星星點鬢多

驟雨

六月十九日

朗霽已逾旬蒸炎不可受早田實宜暘晚種纔茁畝未

曾沐沃潤慮致勒長上聲否農家有常談艱初實利後

六月

初七以前時行需沃早苗茂晚稼並茁土蓄滋句餘未雨盼望殊切僉云晚稼初出時最宜晴霽晴則殖根

益深得雨即勃長歲收倍穩故田家有豐年不其然豈  
下過頭雨之謠其理容或有之然未敢遽信也其然豈  
其然或出慰我口卓午族雲起快霖鳴雷吼衣生涼似  
秋砌積潦如缶頗足濡稚苗況已霑高柳再霑當益佳  
倏晴惜弗久

鸚鵡

鸚鵡能人言雪羽鮮可玩置之雕檀架金鎖繫腳腕曲  
身引其頸啄鎖夕復旦豈辭嘴卒瘁希得銀鐺斷一朝  
擬飛去力盡空嗟歎精衛志雖勤填海終成幻何不悔

厥初被縶早失算

昆明湖泛舟觀荷

六棹輕艫捷勝馳故教今日且遲遲  
滿湖出水芙蓉照正是晨涼瀉露時

芳葩布蕙燦池塘玉鏡光中霞搖去聲光  
料勝明湖麴院畔不聞絲管祇聞香

花臺葉繖蔽平波題品瀟瀟定不訛  
左右後前盡君子吾方渴此豈辭多



季夏萬壽山

仲夏侵尋忽季夏常來彷彿似初來起人竒想番番別  
逝水流陰去去迴雲疊峯依空作燈天垂幕視海為杯  
笑予佳處駐無暇無暇何妨益懋哉

無盡意軒

今日薰風爽輕輿陟巘便納涼正紗牖隔歲此書筵峯  
色四時繪松聲二柱絃意存無盡處了不繫言詮

對鷗舫

臨水閣齋似舫浮憑欄常見浴閒鷗自緣觀物化機寓  
相狎寧希隱者流

鑑遠堂

碧水閣而澄其鑑易致遠聚散帶行雲匝圍遙巘夫  
惟初無心物呈照莫遯咫尺且難窮返躬愧惟赧

題寫秋軒

湛湛晞陽露氣浮  
丁星雜卉護階稠  
金韃頭踏候尋到  
邨更去聲高軒藉寫秋

立秋

六月廿一日

立秋日宜雨既雨復宜晴巧合誠艱遇佳占幸有成

是日

微雨即止  
頗叶農占

却因炎霽久亟望快霖行欣惜相縈處難為

此際情

雨

六月廿二日

晚霽夜復陰頻問三更微便霖諒不妨已過立秋節曉  
方灑霏微卓午傾盆瞥渴壤倏積潦颯颯盡驅熱優膏  
繼前朝是用為農悅

晚晴

秋霖既渥望時晴  
晚散秋雲霽靄明  
花色蟲聲秋信報  
同民樂是待秋成

夜雨

六月廿四日

一天星斗朗三更  
四鼓雲鋪落雨聲  
勢較前番更酣密  
最欣又是曉來晴

秋意

秋色復秋聲  
化機萬物呈  
風來皆送爽  
日照總含明  
花

態欺春豔蟲音入晚爭益殷較晴雨為是近西成

清暉閣前秋花繞砌而新植松樹尚未出簷竭然  
有感輒成是什

秋花還似昔年都祇有喬松較昔殊君子小人判於此  
晚成速就豈同途

題清暉閣四景

閣前喬松已燬石壁獨存突兀橫亘致不愜觀山  
以樹為儀新松長成復需歲月乃因高就低點綴

為樓齋若干間取其小無取其大取其樸無取其麗坐閣中頗似展倪黃橫披小卷也

松雲樓

閣對橫陳石壁修因高新築兩層樓隔牆延得松雲意  
閣前松遭燬牆外者猶存  
喬柯此樓近之因以命名小許居然勝一籌

露香齋

假山有真樹秋露零灑灑高下綴枝葉沆瀣凝珠光寧  
須謂其甘訝可裛其香玲瓏石竅間然疑即上皇硬黃

待揮毫却愧米襄陽

涵德書屋

書屋劉容方丈寬慎修勤浴敢圖安其染斧藻猶慙若  
漫擬東京八殿看

茹古堂

巖堂何所貯所貯惟縹緗雖非鄴侯多開卷益有方詎  
祇資詠吟將以驗幾康獲心在古人茹豈因柔剛

曉秋玉泉山

玉泉今歲纔再至再至居然報曉秋已訝襟懷清若水  
陡忘時節迅如流數聲促織殷勤語幾縷閒雲自在浮  
了識吾心生慰處不緣山館在田疇

初得齋口號

樹已過簷端荷將怯水寒誰云非創得秋景此初看

麗矚軒

歲歲新秋節山軒必一登堪稱迎去聲涼處為去聲最高

層彌野木雲茂鋪階樹影增又將發行駕東北數峯憑



乘舟至影湖樓

高山陟降又登舟，棹出園門本順流。  
山色波光方蕩漾，便教一憩影湖樓。

四啟樓窓拾級登，虛無縹渺總堪憑。  
毫端漫道難模擬，空影中常得句曾。

題和闐玉石辟泛舟圖

怪壁東流蹇若飛，銀河一派是耶非。  
挈舟設復窮源去，定復支機石子歸。

夜雨

七月初二日

又聽秋霖隔夜窓  
灑空作勢正攢攢  
微涼已覺生藤枕  
暗宇獨看朗蕙缸  
連霖幸無小民怨  
繼霑更利穡夫稂  
京畿佳矣誠叨惠  
一念猶然徧萬邦

曉晴

夜雨剛欣到曉晴  
較量真太適人情  
都稱今歲如去歲  
惟勵持盈益戒盈  
披爽忽然忘大暑  
協時更切盼西成  
秋廵自是常年例  
早覺關山喜氣迎

恭奉

皇太后啟蹕幸避暑山莊作

撰吉秋巡啟析旌宜人風物叶金行寒浮曉氣波間漾  
朗射初陽樹底明按例

康輿循後頓清塵快馬肅前程高低近遠良苗秀額慶  
西成卜屢成

白河

白河水弗漲雨亦渥高低似此兩全鮮真稱諸事齊一

時懼心切萬姓笑容僊索與均

天惠優施那可稽

今歲夏秋以來晴雨適宜河水恬流而高下田稼一律滋茂視去歲西成

景象尤勝歷覽慰懷仍降旨免所過正賦十分之三益令農民饒樂

密雲行宮即景

曉涼宜跋馬午熱早停輿寶穉殊常好歡生歷覽餘樹  
陰全幕砌風爽稱去聲翻書不擬觸新緒年年此景如

出古北口作

曉色滄涼滿谷寒高峯纔見日三竿昨朝午熱知何處

水抱山紫隔幾盤

鎖鑰尋常壯北門  
栖霞秦壘至今存  
戒嚴守此應遲矣  
貽笑邠堪更僕論

多稼今秋内外同  
未登場敢道綏豐  
山村却報迎人象  
老幼都看喜氣融

微雨

七月十二日

名山經過每致雨  
試之屢驗非傳聞  
境潔地靈通呼吸  
五嶽或未如是云  
石梁太嶺綿福脈

青石梁東南綿延  
數百里為霧靈山

福地祖脈蒙古語所謂  
海喇汗即漢語聖境云

昨宵朗霽朝生雲按轡從容已

過嶺傍午乃落煙絲焚輜重何嘗勞跋涉却利蕎菜真  
堪欣曰暘曰雨總時若盛滿之懼吾惟殷

常山峪行宮即景

玉露金風候崇山峻嶺間居停有古屋是日闢林闢窓  
納三秋爽門縈一水環置郵傳閣本批閱敢偷閒

曉行即景

微雨昨朝釀薄涼行行東宇露陽光已欣蕎坂潤舍白

雅稱

去聲

禾田熟染黃雲戀高峯如繫帶寒侵空谷欲添

裳年年蹕路渾經慣計里何須問短長

喀喇河屯行宮作

葦峪行過北轉東外藩迎駕畢來同且遲上塞秋蒐狩

先問今年稼嗇豐

蒙古向以畜牧為業今內扎薩克多有勤耕種資生計者

月駟雲

螭呈內廡

上駟院例以春月即駟御馬至此牧養以備行圍

屏山帶水駐離宮

義文猶自光楣栢

昔日恩暉想像中

灤陽別墅

一舸渡灤江書堂倚碧峽草香欣得路松翠故籠窓最  
是三秋好曾誰空谷覺濤音與峯態聲色自撻撻

小金山

芙蓉一朵出晴江三架踈軒俯碧淙木葉蒙蘢誰為去聲  
織虛舟却訝掛煙簾

露香藜藿徑偏幽開著雲窓聽水流若擬灤江拖玉帶  
賺禪也勝印公留



至避暑山莊作

萬疊螺峯蔚霽光  
行秋又復駐山莊  
蔽波荷錦猶呈綺  
遍野禾雲欲作黃  
歷看塞田真有幸  
每居巖館勵無荒  
今宵數問應何礙  
為是明朝迓

壽康

永佑寺瞻拜

神御作

上塞如中禁奉尊

神御同虔瞻又隔歲翹想切微衷砌浥秋花露簾掀古  
樹風

勲華垂萬禩佑啟賴無窮

登舍利塔

千仞俯瑤林九層聳玉臺金輪昨初就石闕此重開

去聲

八窓朗洞達萬級拾崔嵬西戶齊山紫東欄憑水迴棋  
積出雲霞鈴響驚風雷兩足忘微勞一心無點埃於以  
泯色相乃復愛徘徊欲待夜深時應有神燈來

肩輿入西峪

西峪我所喜初來即命遊  
筍輿原可造山路不言修  
鹿訝林間立蝶翻花上浮  
却思肩者瘁陰下每停留

碧峯寺

招提門對碧峻嶒峪路從茲步步登上界本來清淨界  
一燈燃得百千燈並無暮鼓常遊鹿雖有雲房不著僧  
好景奚妨逐時異隨緣摘句我猶能

味甘書屋

書屋秋風滿意涼筠鑪瓷枕趣偏長於茶斯可於言否  
善辟猶然憶趙良

空翠書樓

西峪有佳趣一曲一改觀書樓因迴為樹杪縱目寬然  
不礙山翠浮空來座端生白盈虛窓凝黛猶遠巖足以  
興靜吟足以愜清歡何必學義公於斯覓心安

有真意軒

意者心之旌真者偽之宰意苟真是託耶為去聲偽所殆

聖經言正心其先誠意在誠斯無不真豈復外物待然  
則命此軒固非因案靠

題秀起堂

駐蹕聊欣一晌閒  
心儀秀起事躋攀  
山容匹鮮行與易  
詩句題多落筆艱  
品齟有花皆露滿  
林岑無樹不雲間  
最佳詎可生留戀  
罔克攸分大合閑

出麗正門恭迎

皇太后駕至山莊駐蹕

七朝

行殿隔十里策驄迎固是

起居恙

途間隔日馳使請安知起居安適

寧紆懸企誠仙莊開誅蕩

愛日仰光明寶穡沿途好知堪

豫懿情

聞京師得雨誌事

秋令今年晴雨時晚田繼潤亦寧辭恰欣過嶺微絲點

早是近畿四寸滋

十二日過青石梁至常山峪後微雨洒塵行程稱便而京師則據報是日

自寅至午密霽露沛入地  
四寸餘蕎菜並資潤既

歌舞農夫喜行路奏聞京兆

慰疇咨却思盛滿垂明戒懼以為承敬以持

荷

鏡浦霞衣香未消品曾元凱侍

神堯水華陸植如相較松柏應同耐後凋

驟雨

七月十五  
五日

西峯乍聞雷東峯驟落雨其勢如建瓴其迅突發弩仙  
莊息輜重誰賦漸石苦却為去聲偶遊山輕輿下峴嵒蘭

坡泥滑刺駭汗愁內豎急點翻涼風十步九蹙踟須臾  
千蹊壑暴漲如湘浦指揮就淺濟跋涉竟無阻一勞靜  
以泰衆逸歌還舞傍晚晚霞捲晴前事忘何所

中元夕放河燈

山雨過原連夕陽喜大晴了知多稼美得放衆燈明在  
水看星點雖蓮不藕生既觀如是法今昔那須評

水月菴

飛來懸宇駐岬嶂大似廣寒霄漢高試看崖枝將磬葉



也如碧海舞波濤

山心精舍

精舍普門傍趣佳  
委宛藏鹿聲隔林  
聽鶴羽向峯翔東  
澗落漲水西巖隱  
夕陽攀躋原覺熱  
憩坐塹生涼

題梅檀林

竺菴過水月香林  
入梅檀颯然來天  
風鼻根清淨官靜  
室坐調御相好青  
蓮端綴景則不無  
而非心所安

天籟書屋

迺出菁蔥巔境猶峭蒨藪蕭然來長風其音無不有絲  
竹早則降松篁亦弗取天樂奏天人寧借伶倫手可聞  
不可見繪事真成後擬詢項子京活畫曾收否

用項元  
汴天籟

閣事

雲潤樓

山雲本無定來去信誰羈能沃筆花潤疑霏墨雨滋寫  
楹愛斜帶出岫任橫披分付摘詞者休稱紉縵為

題超然宇

遙望雲中迴莫齊到來惟覺衆山低最欣倚檻遊目豁  
遂與揮毫信手題下士那曾知塞上東坡不異記膠西  
何當諸慮都蠲淨一卷南華悟筦倪

澹軒

山巔艱致水有水山斯靈半畝貯天池太古此清泠文  
軒弗求飾澹泊志以寧一勺乃不測澄懷託滄溟

熱

出口迫來迎面涼連朝熱已駐山莊未嫌無定暄寒變

却喜能催禾黍黃樹有佳陰原趣爽卉多餘豔亦稱芳  
舊題新詠年年益識去聲我祈農一意長

夜雨

七月二十日

秋熱情知弗耐長  
雲雲夜雨頓生涼  
攬衾何礙且無寐  
隔牖遙聽正未央  
打落楮梨疑巨點  
潤浮菰菜沃甘漿  
曉來四字雲容散  
又喜山田時若暘

即事

山莊借問有何宜  
那弗宜宜最是詩  
設復無端鄭絮遇

定當不數灞橋時

水心榭口號

內水原高外水低  
水心虛榭枕長隄  
設如秋水南華悟  
於不齊中水本齊

捕魚

內河不捕魚為是  
肫然養外河每捕魚為恐  
悠然往亦弗事  
脰寒仍向內河放叶  
好生雖得一公物  
乃失兩陡憶文王  
圃棄畧慙以惆

清舒山館

在在是仙都清舒最愜吾優遊皆道院

光霽仰

神模露重花房濕秋新草帶紆一年吟一度興會總欣殊

山鳥

山鳥山棲不自藏啁啾簷角復墻匡分明似話秋光舊  
解語何須藉冶長

山花

山花滿浥露華新便是山莊七月春  
莫恨羣芳漏名字  
恰如䟽仵世時人

澄觀齋即景

宅據水源處窓臨壁峭間無心不與靜  
有句必稱閒  
草露蛩鳴脇林秋鹿過斑  
遠山朝雨霽新漲到潺湲

宿雲簷

寂欣秋霽敞山扉一縷天邊去若飛  
莫謂英英曾不見

據牀猶覺潤沾衣

翠雲巖

幾層疊嶂蒼氛氲一翠連天望若雲  
聖藻千秋同紉縵曰予何有解尊聞

午熱

秋熱渾同夏暑天莊稱避暑尚如煎豈無嘉蔭席堪布  
便有清風扇未捐誰曰居高斯塞磧所欣催熟此山田  
夕春定是巖嵐落原與微涼意灑然



乘涼

乘涼谷口或林中上塞清時避暑宮奚必九成誇傑構  
所欣五穀屢綏豐澗方過雨爭垂瀑樹解遮曦不礙風  
自是

聖人心造化

精微敬仰意何窮

鶴三首

不教翦翮作羈縻詎蕩仙莊任所之伏卵成禽有佳報

放鶴將子山  
莊益致佳趣  
誰云羽類乏良知

飛去飛來記昨年將雛更不出牆邊風清月白一聲喚  
其意肫然亦灑然

澗實山葩勝稻梁天空林密任翱翔有時不庭莎步  
印出雲章不可詳

永恬居

一澗前階帶千峯後戶羅山莊景誠富今歲此初過窓  
畫依然好壁題漸以多向陽常覺熱秋矣識無何

素尚齋

節枕非山藻林嵐近  
招扉延懷疑月窟觸目暢天機  
秋景正寥汰爽風落翠微  
淑清此數典

西苑淑清院書室亦以素尚名之

尚志仰

前徽

千尺雪

活水寧涇蜀兩孫  
濺崖倒看六花掀  
遙源雲外知何處  
少計猶將千尺論

秋月春風總覺宜  
凭欄竭爾引清思  
寒山聽雪閣之上  
不異臨流得句時

玉琴軒

是地易為水導來  
亦藉渠音成絃引  
軫坐喜玉循除汨  
漉浮花片布沈受  
露涓流杯亭在即  
觴詠却拋如

寧靜齋

寧靜我所喜  
詎惟一室然  
萬民逢稔歲  
四海靖烽煙  
願則常如是  
艱哉豈盡全  
以斯慎宵旰  
致遠總無緣

登四面雲山亭子以題為韻四絕句

山莊半月駐亭子今初至迴出界以三俯望海為四

尋常雲際看入峪轉不見一二灑天花

是日微雨梵典以雨雪皆為天

花迎客開生面

巖葩不識名襲人多淨芬却顧來時路隱現於白雲  
邇日頗覺熱涼生瞥眼間下臨萬壑深乃悟居高山

雨

七月廿九日

秋熱情知釀秋雨山莊喜為利山田霑膏便是高原渥

披爽偏宜婪暑前水漲羊腸帶沙落峯標僧帽與雲連  
關中聞屢時霖被歸轡應看麥隴芊

晴

今歲夏秋亦常雨雨霑即晴真是奇高下原隰皆渥潤  
更喜皎日為晷之邇來炎熱望快霑以夜繼日時霏絲  
情知便霖定何礙究願朗霽尤稱宜卓午西風吹雲散  
碧天如水寒光披曰暘而暘太適意益凜宥器曾聞歌  
御製詩三集卷五十一